majajaon.

লংলেই

বিষ্ণুপ্রিয়া মণিপুরী রাইটার্স ফরামর মুখপত্রহান

(গোকুলানন্দ সিংহ গীতিস্বামী বিশেষ সংখ্যাহান)



মৃখ্য সম্পাদক দিল্স্ লক্ষ্মীন্দ্র সিংহ (অবৈতনিক)





লংলেই

বিষ্ণুপ্রিয়া মণিপুরী রাইটার্স ফরামর মুখপত্রহান বিশেষ সংখ্যা

২৬ নভেম্বর, ২০১১ 26th Nov, 2011

মূখ্য সম্পাদক দিল্স্ লক্ষ্মীন্দ্ৰ সিংহ

সম্পাদকমণ্ডলী নরেন্দ্র কুমার সিংহ রামলাল সিংহ সত্তোব সিংহ

Published by Sanjiv Sinha

e-mail slakshmindra@yahoo.com Cell ; +919864107550

Price Rs. 10/- only কার কার ইকরা আসে—

প্রবন্ধ হরিদাস সিংহ দিল্স্ লক্ষ্মীন্দ্র সিংহ সুজিৎ দিংহ রামলাল সিংহ

গ**য়** সমর সিংহ

কবিতা
শিবেন্দ্র সিংহ
ননীগোপাল সিংহ
প্রতাপ সিংহ
নরেন্দ্র ঠাকুর
বিশ্বপ্রসাদ সিংহ
প্রদীপ সিংহ

Printed by
M/s SMJ Enterprise & Printers
Jayanagar, Sixmile, Guwahati-22
Cell: +919864106334



চেইতে চেইতে তিনবসর সুবইল বিষ্ণুপ্রিয়া মণিপুরী রাইটার্স ফোরামে বৃহত্তর গুৱাহাটীত জাতীয় কবি দার্শনিক, ভবিষ্যত দ্রষ্টা গোকুলানন্দ সিংহ গীতিস্বামীর জন্মতিথি উদ্যাপন করিয়া আহের। উতার আগে বহু সংগঠনে (উতারমা গোকুলানন্দ গীতিস্বামী কৃষ্টি-কলা জাগরণী মঞ্চও আগ) গীতিস্বামী জয়ন্তী এহান পালন করে আইলেউ ২০০৪ সালেও বৃহত্তর গুৱাহাটী ভিত্তিক যে ঠোরাঙহান চলিয়া আহের এহানে আঠৈপা মাত্রা আহান যোগ করে দিল। এ উদ্যাপন অনুষ্ঠানে বহু জন সমাগম এহান দেহিয়া মনে অর গীতিস্বামী গিরকর প্রাসংগিকতা এবাকা আরো বপয়া আহের, গিরকর জনপ্রিয়তা দিনে বলিয়া আহের। উতার গজে আগেদে আকহান, পিসেদে দুহান এবাকা গুৱাহাটীর মালঠেপে মালুঠেপে গীতিস্বামী জয়ন্তী পালন করানির ঠোরাঙ আহান চলের।

এবাকা প্রশ্ন কতহান জাগের— অনুষ্ঠানর বেমল বেঠা এতা দেহিয়া আমি হতুমেউ কি মাতে পারিয়ারতা যে গীতিস্বামীর জনপ্রিয়তাহান বপ্যা আহের এহান । আমি কুপকরে দৃষ্টিহান দিলে দেখতাঙাই গীতিস্বামীরে নিঙশিঙ অনাত্ত নিজরে জাহির করানির বেসেপ প্রবণতা আহান। আজিপেয়া গীতিস্বামীর করপেখ হাবি সংকলিত নাইল; গিরকর এলা রেকর্ডিং করানির মাধ্যমে সংরক্ষণ করানি নাইল; গিরকর তথ্য চিত্র আহান নিকালানির প্রয়াস আহান নেয়ইল; গীতিস্বামীর এলা দেকুরা শিল্পী এবাকাউ না নিকুলা; গীতিস্বামীর জীবন আদর্শ বার সাহিত্য কর্মরে সঠিকভাবে মূল্যায়ন করিয়া বক্তব্য থকুরা মানু উসাদে না নিকুলা। অনেক ক্ষেত্রে দেহা যারগা দর্শক শ্রোতা আকর্ষণ করানিরকা ছাত্রছাত্রীরে পুরস্কার দেনা, সমাজসেবীরে সম্মান দেনা, সম্বর্ধনা দেনা ইত্যাদি অনুষ্ঠানে য়াম সময় খরচ অইলুকুরি আসল কামতে কিন্তাউ নার।

এপেইত আরাক আহান উল্লেখ করানি য়াকরের গীতিস্বামীয়ে সমাজ সংস্কারর য়ারি দেসিলতা সমাজর পরস্পরাগত নিয়ম-নীতি বাগানিরকা নাগৈ যে নিয়ম-নীতি ইলয়া সমাজ আহান গড়িয়া উঠের অন্য ভাষী সমান ধর্মর মানুর সমাজেন্ত তঙাল অয়া। গীতিস্বামীর সংস্কারর বিষয় আদিল অর্থনৈতিক স্বাবলম্বী অনার চিন্তা, ইমাঠার জিংতা করানির চিন্তা, হেইমাকর সুখ বারো শান্তির চিন্তা বার বেয়াপা বা মাতৃজাতির সম্মানর চিন্তা। কিন্তু এবাকার কতগ তথাকথিত বুদ্ধিজীবীয়ে হেকঠেলাল গীতিস্বামীর—'কালে কালে কালর কথা'র অপব্যাখ্যা দিয়া সমাজ-বিচ্ছিন্ন চিন্তাল রূপার গরিমা দেহেয়া সমাজর বিতরে অনাচার আহান প্রতিষ্ঠা করানির পরিকল্পনা করতারা যেহানে সমাজ এহানরে ধ্বংসর বেদে ইলকরে দিতৈ।

অন্যবেদে মাল্ঠেপে মাল্ঠেপে আকদিনে গীতিস্বামী উৎসব করানির নুবা ঠৌরাঙ এহানে সমাজর মানু আগরাংত আগরে বিচ্ছিন্ন করানির পথগ ইলকরে দিতৈ বুলিয়া আশংকা আহান জাগের।

বিষ্ণুপ্রিয়া মণিপুরী রাইটার্স্ ফোরামে জরমর খেলতামেন্ত সমাজ নিংপা বুদ্ধিজীবীর বানা নুংশি পেয়া আহের। ফোরামর উদ্দেশ্যহান বিষ্ণুপ্রিয়া মণিপুরী ভাষা সংরক্ষণ, ইমাঠারর চিন্তা-চর্চার উপযুক্ত পরিবেশ আহান হংকরানি। সমাজর বিতরে যত সংগঠন ইমাঠারল সাহিত্য, সংস্কৃতি-চর্চা, প্রচার প্রসারর কামে যুক্ত অসি তানুর সহযোগী অয়া কাম করিয়া যানা ইত্যাদি।

লংলেই প্রস্তাবনা সংখ্যা নিকুলানির পিসেদে নানান কারণে পত্রিকা এহান খাময়া আসিল। আজি গীতিস্বামীর ১১৬ তম জন্ম তিথিত গীতিস্বামী বিশেষ সংখ্যাহান হিসাবে সেংকরে শাতকরলাং বার বাশাক করিয়ার এহানর পিসেদেন্ত ছয়মাহার পিসে পিসে নিকালানির প্রয়োজনীয় কাকেই চালেয়া যিতাগুইগা।

"গীতিস্বামী" সংখ্যা এহান শাতকরতে যে যে গিরিণিথানীয়ে তানুর অমূল্য লেখা দিয়া আমারে পাংকাল দিলা তানুরে কৃতজ্ঞতালো নিংশিং অয়ার। ধন নাইলে বছ বিষয় টেইপাঙে মূর্তি না পালর। এবিষয় এহানাত যেতাই আমারে থৌতাল দিলা তানুর মা শ্রীকার্তিকসেনা সিংহ, প্রাক্তন বিধায়ক বারো চেয়ারম্যান, বি.ম.উ.প., শ্রীপ্রতাপ সিংহ, আরক্ষী অধীক্ষক, শ্রীঅমিয় সিংহ, সহকরী জিলা কৃষি বিষয়া বারো আরাকৌ গিরিগিথানী।

লমৈতগো SMJ Enterprise & Printersর গিরক সমর সিংহ বার তার সহকর্মীরে আঠিপা থাকাত আহান নাদলে আমি লালৈতাগুই।

— पिल्ञ् नक्दीतः त्रिश्ट।

লমইলগা জয়দেবহান

হরিদাস সিংহ

সংস্কৃত সাহিত্যরমা দক্ষিণ ভারতর ভবভূতি নাংকরা নাট্যকারগ অসিল।
গিরক মহাবীর চরিত, মালতীমাধব বার উত্তর রামচরিত নাঙর তিনহান নাটক
লিখেসিল। এসাদে হবা নাটক লেংকরিয়াউ গিরক উদিনকার বিশ্বৎ সমাজেন্ড
উপযুক্ত মর্যাদা নাপানিয়ে মালতীমাধব নাটকে য়ারৌ করিয়া মাতেসিল—

উৎপৎস্যতেহক্তি মম কোহপি সমান ধর্মা কালো হায়ং নিরবধি-বিপুলা চ পৃথিবী।।

অর্বাৎ অনন্ত কাল, বিপুলা পৃথিবীহান, এ পৃথিবীৎ আকদিন মর সমান ধর্মবিশিষ্ট বা মর সমান প্রতিভাশালী মানু আগ নিশ্চয় জরম অইতে। উগই মর সাহিত্যর কর্মর মূল্যায়ণ করে পারতে। ভবভৃতি দৌ অইল আর গিরকর গুণমুগ্ধ পাঠক উতাই গিরকরে 'কারুণ্যং ভবভৃতিরেব তনুতে' বুলিয়া নানা ভাবে থাকাৎ করেসিলা। গীতিস্বামী গিরকৌ তার বহুমুখী প্রতিভাল সাহিত্য না হঙ্গে বিষুপ্রিয়া মণিপুরী ঠারল নাটক এলা লেংকরিয়া চেতনাহীন অয়া কালর নিঘোর গুমে আসিলা জাত এহানরে হজাক করানির সালে তেতনেই হজাকর এলা দেসিল, চেতনার য়ারি দেসিল। তেবউ বিষ্পুর্থিয়া মণিপুরী সমাজহানরমা গিরকর প্রতিভা বার হয়ার উপযুক্ত মর্যাদা নাপেইল। কতগই গিরকরে য়াকরলা, কতগই য়েকনাপা অয়া কদর্য করিয়া নাং কামানিরকা বার অর্থলোভে হয়া এতা করেরতা বুলা। উহানে গিরকে এলাৎ মাতেসে—

কার কাজে কাদুরিতা, আকগয়ৌ হার নাপেইলা। হবার কাজে করতেগাতে আরাক আহান নিংকরলা।।

এসাদে চিন্তাল প্রায় ২৫ বসর সমাজহানর কুনে-কাঞ্চিলে দাবদিয়াও গিরকে অস্তরর খৌরাংহান টেইপাঙে নাদেখল। উহানাৎ দুঃখ পেয়া আত্মজীবনীর্মা লিখেসে—

> কেহ হল বাদী তাতে কেহ বা বিবাদী পূর্ণ মনোরথ মোর নাহি হল সিদ্ধি।।

এসাদে বার্থ মনোরথল ঠুইয়া বহিল সমেইত বিপ্লবী রাখাল রাজকুমার সাম্যবাদর য়ারি গিরকরাং ফওকরলগা বার গিরকরে সাম্যবাদে কাম করানিরকাইথৌ দেনাৎ লাগিল। রাখালবাবু খালকরেসিল গিরকর প্রতিভা এহান সাম্যবাদর কামে লাগেইলে কমিউনিষ্ট পার্টি ত্রিপুরাৎ চালাক কাকালি ঠিকদিয়া উবা পারতই। রাখাল গিরকর খালকরাহান বাস্তবে হারহান বুলিয়া প্রমাণিত অইল। গীতিস্বামী গিরকর প্রতিভার কারণে নুবা সূর, নুবা এলাল সাম্যবাদর কথায় মানু নিয়াম করে কমিউনিষ্ট পার্টিদে বুলনদিলা। গোকুলানন্দ গীতিস্বামী নাং এহান হন্দা বিষ্পপ্রিয়া মণিপুরীয়ে মাৎলাহান। সমাজর মানুরে পইলাদে গোকুল কীতনী বুলিয়াই চিনেসিলা। কমিউনিষ্ট পার্টিরমা গোকুল সিং নাং এহান চালাক সিতারেইল। উদিনকার ত্রিপুরার কমিউনিষ্ট পার্টিরমা বীরেন দন্ত, দশরথ দেব, অঘোর দেববর্মা এতাই নেতৃত্ব দিলা। গীতিস্বামীর কামে গিরকরে পার্টিরমা হবা পদফাম দিলা। নেতা হাবিয়ে বয়োজ্যেষ্ঠ গীতিস্বামীরে দাদা՝ বুলিয়া সম্বোধন করলা।

গীতিস্বামী ১৯৫২ খৃষ্টাব্দে ভারতর পইলাকার নির্বাচনে ফটিকরায় কেন্দ্রত ত্রিপুরা ইলেক্ট্রোরেল কলেজে বিপুল ভোট পেয়া কংগ্রেস প্রার্থীরে জিংল। ও সমেইত কমিউনিষ্ট পার্টির সম্পাদকগ রাখাল রাজকুমার আসিল। গীতিস্বামী গিরক ভারতবর্ষে বিষ্ণুগ্রিয়া মণিপুরীর পইলাকার নির্বাচিত জনপ্রতিনিধিগ। ১৯৫৭ খৃষ্টাব্দর নির্বাচনেউ গিরক সেংক ফটিকরায় কেন্দ্রন্ত ত্রিপুরা টেরিটরিয়েল কাউন্সিলে জনপ্রতিনিধি অয়া নির্বাচিত অইল বার ও সমেইত পার্টির লগে গিরকরতা ভূল বুজাবুজি অনা অকরল। লমইতেগা ত্রিপুরার কমিউনিষ্ট পার্টিয়ে গিরকরে বয়কট করানি অকরলা। পার্টির সিদ্ধান্ত এহানে গিরক নিয়াম মর্মাহত অইল।

এসাদে রাজনৈতিক জীবনে কমিউনিষ্টগ অয়াউ গিরক আধ্যাত্মিকবাদরে চেংকরে দরেসিল। গিরক গৌড়ীয় বৈষ্ণবগ উহানে সাধু বৃন্দাবন গোস্বামীরাং দীক্ষা নেসিলগা। গোস্বামী গিরকরাং সহজীয়া ধর্ম এহানর মাপৃগ নিত্যানন্দ প্রভূর পুতক বীরভদ্র প্রভূ বুলতারা। সহজীয়া ধর্ম এহানর ইঙ্গিত চৈতন্য চরিতামৃত গ্রন্থে থা গেসেগা। চৈতন্য চরিতামৃতর মধ্যলীলার ৮ম পরিচ্ছেদে এসাদে আসে—

সহজে গোপীর প্রেম নহে প্রাকৃত কাম বার চৈতন্য চরিতামৃত মধ্যলীলার চতুর্দশ পরিচেহদে—

বৃন্দাবনে সাহজিক যে সম্পদ সিন্ধু। দ্বারকা-বৈকৃষ্ঠ সম্পদ তার এক বিন্দু।। সহজ লোকের কথা যাঁহা নিত্য-গীত।
সহজে গমন করে নৃত্য পরতীত।।
উপেইত চৈতন্য চরিতামৃতর অন্তলীলার ১ম পরিচ্ছেদে—
রায় কহে, কহ সহজ প্রেমের লক্ষণ।
রূপ গোসাঞি কহে সাহজিক প্রেমধর্ম.

এসাদে চৈতন্য চরিতামৃত গ্রন্থে সাহজিক প্রেমর ইঙ্গিত থানাই সাহজিক গোষ্টী এতা হঙ্গসেতা। সহজিয়া গোট এতায় নর নারীরমা রাধাস্বরূপত্ব বার কৃষ্ণ স্বরূপত্ব আরোপ করিয়া যুগল সাধনা করতারা। সাধারণ জেলেই মুনি প্রবন কীর্তনল আন্ত সাত্বিক ভাব জাগ্রত অইলে নর নারীর সাধারণ রূপেত্ব উজান বাহিয়া রাধাস্বরূপত্ব বা কৃষ্ণ স্বরূপত্ব পেইতারা। এসাদে আরোপ সাধনার মাধ্যমে নিজরাং রাধাকৃষ্ণ শক্তি জাগ্রত করিয়া মহাভাব স্বরূপে বা সিদ্ধির দেশে ফর্রয়া এ সাধনাহান করতারা। বিশ্বব্রুলাশুরে বৃহৎ ব্রুলাশু বারো মানুর দেহগরে ক্রুদ্র ব্রুলাশু বুলতারা। গীতিস্বামী গিরক তার লালসা-প্রার্থনা এলারমা (গীতিস্বামী গোকুলানন্দর জীবনী বার করপেক, ১ম খণ্ড, ৪১ পৃষ্ঠা) মাতেসে—

দেহর খবর আগে না করলে।
সাধন ভজন হাবি মিছা, নিজরে নিজে না চিনলে।।
বৃহৎ ব্রহ্মাণ্ডরমা যেতা, দেহগৎ হাবি আসেতা
পরম ধর্ম তোর গরে থয়া বুলিয়া মরলে।।

দেহতত্ত্ব হার নাপেইলে, কৃষ্ণতত্ত্ব হারপাং বুদ্রো। পরার গরে লুকাসি ধন আধারে বিসারলো।।

এসাদে দেহতত্ত্বর য়ারিল দিয়া এলা উতা নিয়াম রহস্য পূর্ণ অইল। তানুর দর্শনহান হার নাপেইলে অর্থহান হারপানি চিলর বার কথা উতা হাবি প্রহেলিকা পূর্ণ। ষেমন—

মাটির জনম না ছিল যখন
তখন করেছি চাব।
দিবস রজনী নাছিল যখন
তখন গনেছি মাস।।

মা বাপ জনম না ছিল যখন
আমার জনম হল।
দাদার জনম না ছিল যখন
পাকিল মাথার চুল।।
সুমেরু উপরে স্রমর বসিল
এ কথা বুঝিবে কে।
চতিদাস কহে রসিক হইলো
বুঝিতে পারিবে সে।।

এসাদে হেয়াঁলীপূর্ণ এলাল তানুর দর্শন উহান বাগেইলা। গীতিস্বামীর লগে সমাজর মানু থাইলেউ এ মতাদর্শ এহান সমাজর ডাঙর দাপা আহানে নিয়াম ঠিক নাপেইলা।

গীতিস্বামী সমাজর জাগরণ, সংস্কারর কাম এরা দিয়া কমিউনিষ্ট পার্টিরমাও চেল নারিয়া স্বাস্থ্যহান বাগিল বার মনহানৌ নিয়াম হিন পাসিল। উতার গজে নুবারা অয়া গারিগর কাদা আগ লরানি হিনপেইল। এসাদে দুর্দিনরমা গীতিস্বামী সহধর্মীনী সিজা নয়নসেনা গিথানকরেল আগরতলার রাধানগর গাঙে আসিল। আষাড় মাহার কাগুর পালির সমেইহান। রাধানগরর মালঠেপে নিকা কাঙর পালি দিতারা বার জয়দেবউ দিতারা। আকদিন গিরক আগৈ গীতিস্বামীরে কাঙর পালিত বিষ্ণুপ্রিয়া মণিপুরী ঠারল জয়দেব দেনার বার্তন আনিয়া দিলগা, গীতিস্বামী বার্তনহান লইল। সেন্দাত গীতিস্বামী এলার ফিজেত পিদিয়া মালঠেপে গেলগা। সৌ সুমারা বুজনে মালঠেপগ চেলনাসি। সেন্দা আরতি লইকরিয়া গিরক জয়দেব দেনাত হমেইলগা। কত বসর ভাইল গিরক বিষুপ্রেয়া ঠারল এলা নাদেরগ। জয়দেবে হমেয়া গিরক নুৱা পাংকাল আহান পেইলপারা াগিরকর এলা খনিয়া মালঠেপগর চারিয় ফালু ফুকরা পেরেম করানি অকরলা। গিরকর মনে জাগরণর এলাদিয়া যে হারৌহান আগে পেইল, উহান গারিগত লাগিলগা পারা। রাজনীতির কুচক্রর হিন্দুখ হাবি ককইল পারা। সলসে গারিগল এলা দেনায় পুরানা শূলর নুবারা হান খাংতা জ্বর অয়া বারি দিল। ঔ দিনে শূলর হজক নেয়সিল, গিরক মালঠেপগত পরিল। হাবিহানে দরিয়া ফালু হানান্ত নিয়া বৌ দিতারা, মাঠিয়েইতারা থাঙৌ কপহান না কমিল। বাধ্য অয়া আগরতলার ভি,এম, হাসপাতালে নিয়া ভর্তি করলাগা।

গীতিস্বামী হাসপাতালে থাইতে কমিউনিস্ত পার্টির কুনো সদস্য আগই

আয়া না চেইলাগা। যেতারে বিদ্রুপ করিয়া এলা দিল, যেতাই গালি ছনিয়াউ এলার রসর কারনে আলি নাপাসি, হদা বিরোধী পক্ষগ বুলিয়া নিংকরলা, ও কংগ্রেসর মানু উতায় গীতিস্বামীর তালাবি করলা। কংগ্রেসর নেতাগ শচীন্দ্র লাল সিংহ গিরকৌ আয়া মাতেইলগা। বিষ্ণুপ্রিয়া মণিপুরীর দরদী ঠৈগ, নিংসা থেতয়া জাতর উন্নতির হনা বরলা, উগ আজি ইহুধাম এরাদিয়া নিতাধামে গোলগা।

ত্রিপুরা সরকার গীতিস্বামীর নিঙে হাবি স্কুল, কলেজ, অফিস, আদালত ছুটি ঘোষণা করল। মিরকর মরদেহগ গাড়ি আহানাত কাকরিয়া জাতীয় পতাকাহানল জাপদিলা। গাড়ীহান কাঞ্চনবাড়ীত মনু নদীহানর মুঙর পারে আয়া উবাইলগা। মনু নদীহান পারে গরে মান্না অসে। কাঞ্চনবাভীর হাবি লয়াদে গিরক দৌ অনার পৌহান সিতারাসে। পাল, পাল অয়া জেলেই মূনি আতে ঠনা আকেইগল ফুল দরিয়া মনু নদীহানর পারগত উবা অইলাগা। ঔ পারে কংগ্রেসর পতাকাহানর তলে গীতিস্বামীর মরাদেহগ। দুরেইত্ত দৃশ্যহান দেহিয়া হাবিহান কিহান করানি লেপকরে নারলা। হাবিহানে গিরক কংগ্রেসগ অসে বুলিয়া ফুলহাবি মনু নদীহানাদে এরা দিলা। রাঙ, নিলুৱা, দলা ফুল দুর দুর অয়া পানিহানাদে যানা অকরল। হাবিহানে বিষয় সাধারণ ভাবে যেহান উপইলা উহানল গরেদে আলথক অইলা। জিলক রোহিনী গড়াগড়ি দিয়া কাদিরি বার সতীশ ঘোষ বুলিয়া আগৈ কাম পাংকরের। জাঙাক, জিলক বার আরাক কতগৈ মনু নদীহান হিনপেয়া লালকরিয়া গরর মুঙে মনু নদীহানর পারগত অন্তিম জিগ দিলা। যে গিরকগৈ কাউন্সিলে এলাল বক্তব্য থয়ল, বিরোধী পক্ষরে এলাল বিদ্রুপ করল বার এলাল পর্থেইল, আক্রমণ করল, উগ আজি য়েকনাপার জালে পরিয়া হাবিতা মাংকরল। আমি মাতে পারিয়ার ভারতীয় সংসদে অথবা ভারতীয় বিধানসভাত এলাল নিজর দলর কথা বা বিরোধী পক্ষরে আক্রমণ করেকুরা আজি পেয়া আহিত না পরেসে। তেবউ গিরকর কামর মূল্যায়ন সমাজে এবাকাউ সঠিক ভাবে করে নুরারেসি। কুনো দিন মূল্যায়ন অয়তৈ বুলিয়া আইব ভবিষ্যতর উগদে চেয়া থাইলাং।□□

গীতিস্বামী সাহিত্যত সমাজ

पिन्म् **नक्षी**ख निश्र

'সাহিত্য সমাজর মেশেলহান' এরে বছ আতাপিতা করিয়াউ মংকরে নুবারেসি কথা-চুটি এহান ইলয়াই আজিকার মোর আলোচনার জয়য়য়য়াহান। গীতিস্বামীর সাহিত্য প্রতিভা বছমুখী, দিগন্তর লাকতেইগ পেয়া সালসে তার মিঙাল-দুতি। এ বছমুখী প্রতিভার মিঙালহান তার চিন্তা-চেতনা-অভিজ্ঞতার ক্যানভাসে সমাজপ্রেমর করুণ রসে জরক জরক করিয়া তুলতুলাসে। তার সৃষ্টি, তার দৃষ্টি, তার কৃষ্টিচিন্তা গভীরেন্ত আরাকৌ গভীরে সমাজ আহানরে বেরেয়া বেরেয়া হাপদিয়া পরল পরল অয়া সালসে। এরে পরল এতা আকেইহান আকেইহান করে মুকেয়া চেইক সাহিত্যর মেংশেল হানাত দেহিয়ার তার সমাজ দর্শনর মূল বিষয়হানি - মাতৃভাষা, সমাজসংক্ষার, নারীজাগরণ, শিক্ষা, পরাণুকরণ, অর্থনৈতিক চিন্তা বারো রাজনৈতিক চেতনা।

এবাকার বাংলাদেশর ভানুগাছ লয়াগ ব্রিটিশ ভারতর ইতিহাসে মণিপুরী (বিষুণ্পিয়া) কৃষক প্রজা আন্দোলনরকা নাংকরা লয়াগ। এ লয়া এগর মাধবপুর গাঙে সংস্কৃত পন্তিত ভৌবা সিংহ বারো আমোতলা দেবীর উরে তিনগ পুতকর হাবির খুলাগ অয়া ১৮৯৬ সাল ২৬ নভেম্বর (১৮১৮ শক বন্ধ অগ্রায়ন) গোকুলানন্দর জরম। গোকুলর আনন্দ বুশ্লে আমি নন্দ-যশোদাপুত্র শ্রীকৃষ্ণরে নিংশিং অয়ার। ঠিক উসাদে গোকুলরূপী ইতিহাস লাঞ্ছিত বিষ্ণুপ্রিয়া সমাজ এহানবেউ যেমন হারৌর অমৃত বিলেয়া পুঞ্জিপালকরানির সলেদে গোকুলানন্দর আবির্ভাব।

সাহিত্যরে সমাজর মেংশেলহান বুলানির কারণহান সাহিত্যহানাত সমাজব হবা সাক্তি, আধার মিগুল হাবিবারা সা সা করে ধরা পরের। মেংশেলহানাত যেসাদে কিপ্তাউ লুকেয়া থনা নুবারিয়ার উসাদে সাহিত্যহানাত গুরিয়াউ গুবানির কোনো উপায় নেই। ভারতবর্ষর ইতিহাস লেংকরতে সাহিত্যর বিরাট ভূমিকা আহান আসে। পৌরাণিক মহাকাব্য রামায়ন, মহাভারত এমনকি মধ্যযুগর কাব্য সাহিত্য যেমন -কহুনর 'রাজতরঙ্গীনী', বানভট্টর 'শ্রীহর্ষচরিত' - সমসময়র সমাজরে হার্পেইতে উপৈতে ভারতর ইতিহাস রচনাত গুরুত্বপূর্ণ ভূমিকা আহান পালন করিয়া গোসেগা। এখুরুম চেইক গীতিস্বামীর কবিতা বা সাহিত্যত সমাজহানর প্রতিফলন ফিসাদে অসে।

সতর শতাব্দীন্ত উনিশ শতকর হম্বুকর কাল এহান বিকুপ্রিয়া মণিপুরী ইতিহাসর কালা অধ্যায় আহান। এ কাল এহানাত মৈতৈরাজ্ঞা পামহৈবার অত্যাচারে, মণিপুরর বিভিন্ন গোষ্ঠীর বিতরে কৌলিখালা বারো তিন্ধুরুমকার অবার ভাগনে ডেইডেইহারা লবাডেঙার সাদে নিজর ইমালাম বেলেয়া বিষ্ণুপ্রিয়া জ্ঞাত এহান এবাকার অসম, ত্রিপুরা, বাংলাদেশ বারো ম্যানমারে সিলয়া পরেসি। মণিপুরে মৈতৈ রাজার তলে থাইতে নিজর আদ্যেকার ঠার, নিজর আদ্যেকার কৃষ্টি হাবিতা পাছ্রানির অংতাৎ আয়া ফরসিলা। ঔতার গজে পরার লামে আয়া, পরার হাদিত থায়া আরাকৌ নিজ্ঞর অন্তিত্ব মাংকরানির বেদে সালসিলা। এরে অংতাৎ ইংরেজী শিক্ষায় বিষ্ণুপ্রিয়ার বিতরে ভারতর অন্যান্য জ্বাতর সাদে আত্মসমানবোধর জ্বরম দিল। উহানর ফলে ঐতিহাসিক কারণে জ্বরম অইল সুরমা ভ্যালী মণিপুরী এসোসিয়েসন তথা বিরাটসভা বা মহাসভার। এরে ক্ষেপতাম এহানাত গোকুলানন্দর আবির্ভাব এহান আঠৈপা মাত্রা আহান সামদে দিল। ঔবাকার পত্র পত্রিকার প্রতিবেদনে পেয়ার এরে সংগঠিত অনার পর্যায় এহানাত প্রত্যেকহান সভাসমিতিত গীতিস্বামীর উচ্ছাল উপস্থিতি। গিরকর লেংকরা**ত পেয়ার ইমাঠারর গভে ঔবাকার ইংরে**জী শিক্ষিত বারো সংস্কৃত পণ্ডিত গিরকলকেইর অবহেলার ভাব আহান,— গরে নিজর ঠারে উটরলেউ মাল্ঠেপে পণ্ডিতে মেইতৈ ঠারল বারো শিক্ষিতই বাংলাল টটরাসি। সময় আহানাত শিক্ষিতই বাংলাহানরে জাতীয় ভাষা করানির পক্ষে যুক্তিও দেসিলা। 'সমাজসংস্থার' গীতিনাট্যত দেসে এলাহান-

> কতিও তলইলাংতা (আমি) ততরানি অখান পেরা, গরে আকতা বারে আকতা।। এলা দিলেও মিয়াঙ ঠারল লেরিক দিলেও খাইরতা। বিষ্ণুপ্রিয়া ঠারল মাতলে, লেরিক ছনানি ফল নেইবতা?

আর আর জাতে লেরিক এলা নিজর ঠারল দিলা আমারতাতে খাই দরপেয়া, নিজর ঠারখান দিয়া নুওয়ারলা।। আমার ঠারখান বুলিয়া আখান নেয় থা থাইলেতে। জাতহান্ত 'খাইতাংপ বুলিক' পণ্ডিত গিরক কিতা বুলিয়ারতা?

আজি একবিংশ শতিকার অকরাগত আয়া বিশ্বর ভাষাতাত্ত্বিক বারো সমাজবিজ্ঞানী তথা বিশ্বসংস্থা ইউনেশ্বর মুঙে ডাঙর প্রশ্নহান - পৃথিবীর প্রায় হাত লিশিং ঠাবরমা আগামী য়াংখেই বছরে খেইপক আহান মুভয়া যিতৈগা। এরে ভাষা এতারে কিসাদে জিতো করিয়া ধনা এহানল তানু হিরিঘাম স্বসি। বিক্পপ্রিয়া মণিপুরী ঠারহানৌ আগৎপা (এভেঞ্চার্ড) ঠাররমা যৌকরেসি। চারিকুরি মারি আগে গীতিস্বামীয়ে এরে চিন্তাল, ভাষা এহানরে জ্বিংভা করানির বামাল কত হেকঠেলা পণ্ডিভমান্না মানুর ভাষি, ডিক, আলি,, আকাম্পা গালি খেয়াউ লয়া লয়াদে ইমাঠারর জয়ধ্বনিল লৌদে লৌদে কাদে কাদে অস্তময় কাব্যর রসল সাধারণ বুজন, ইমা-ইন্সল, গাবুরা-পুরীজেলেইরে না মৌকরলে আজি ইমাঠারহান মুভনির অংতাৎ আয়া ফরইলৈস। জনপ্রিরতা নেয়ৈলে ঠার আহান য়াম দিন জিংতা অনা নাবের। উদাহকাত্মকণ সংস্কৃত ভাষাহানরে চেইক যে ঠার পৃথিবীত জ্ঞানর ভাণ্ডারগা, রসর ভাণ্ডার হাবি কলকরিয়া থসে ঔ ঠার উহান পেয়াউ জনপ্রিয়তা নেমনিয়ে সময় আহান মুতনির অংতাত ফরসিল। গীতিস্বামীর সৃষ্টির পাংকালে, তার ইশেং সেংপা দৃষ্টির মিঙালে ইমাঠারহান মূর্তি প'লৈল। এবাকাউ সাধারণ বুজন বেয়াপার রিদিও, তানুর অটে কাপক ফুটের পৌরেইর সাদে গীতিস্বামীর অমর পারেগুমাহি - "কালে কালে কালর কথা নাছনানি নাকরের। স্থিগৈ কাখান পুড়ে আনশে কাচায় মজায় না ধরের।।"

এপেইৎ কথা আহান নামাতলে কথাহান সেও নাইতৈ যে উনিশ্ব শতকর নবৈর দশকে গীতিয়ামী জরম অনির কাল উহানাত হিংগালার কবি বাবাগ সিংহয় বিফুপ্রিয়া মণিপুরীত পইলা রামায়ন'র পালা লেংকরিয়া (যেহান বাংলাদেশর পৌরীর ঠৌরাঙে ফঙৈল) হিংগালাত এ ভাবাল চর্চার পরিবেশ আহান হংকরেসিল। বিংশ শতাব্দীত শিসেদে মেহেরপুরে লেইখমসেনা সিংহ গিরক, বারো অন্যান্য লয়াত দানা কবি নিকুলেসিলা কিন্তু আকগরৌ গীতিয়ামীর সাদে সমাজর এমুর হৌমুর আটিয়া ভাবা এহান জনপ্রিয় করানির সালে ঐতিহাসিক দায়িত্ব শালন নকরেসি। গীতিয়ামীরে প্রভাবান্থিত করেসে পিসেকার প্রজন্মরে - মদনমোহন মুখোলাখ্যায়, এজেজ কুমার সিংহ, সেনারূপ সিংহ, গোপীনাথ সিংহ তথা বর্তমান প্রজন্মরে যেতাই গীতিয়ামীরেল অনুপ্রাণিত অসি। পূলাশ জাত আহানর আবেগ, অনুভূতি যেগর কবিতাত মূর্তি পালর, যেগর কাব্যর যাণীরে জাত আহানরে আত্রেয়া যানার পথ দেহার উগ্রহে জাতী কবিগ। গীতিয়ামী বিকুপ্রিয়া মণিপুরী সমাজর জাতীয় কবিগা

গীতিস্বামী গিরকর পইলাকার রচনাহান 'সমাজ সংস্কার ' গীতিনট্য

পালাহান। নাটক এহান প্রচলিত নাট্যকাপেত্ত তঙাল জার্মান নাট্যকার ব্রেটলট ব্রেখ্ট্ বারো বাঙালী নাট্যকার বাদল সরকারর 'থার্ড থিয়েটার'র আদলে নাটকর সংলাপখানিবুলানি য়াকরের। এবাক যেতারে থার্ড থিয়েটার বুলিয়ার উতা গীতিস্বামী গিরকে চারিকুরি বসর আগে লেংকরিয়া গেসেগা। নাটকহানাত দুহান ঠার ব্যবহার করেসে - সংলাপ উতা হাবি বাংলাল বারো এলহানি যেহানিত তার মূল কথাহানি ফঙসে উহানি বিষ্কৃপ্রিয়া ঠারল। মনে অরতা উবাকার শিক্ষিত মানু যেতাই বাংলারে প্রাধান্য দিয়া চলানি মনাসিলা তানুর কথা উহানি বাংলাল দিয়া নিজর কথাহানি ইমাঠারল দিয়া তানুর আহি মেলুরানি মনাসিল। এহানৌ অইতে পারে উবাকার পালা নাটক উতা হাবি বাংলাল চলিল থাংতে মানুরে বুজানিরকা এ ভাষা দ্বিয়হান ব্যবহার করেসেতা।

সময়ে সময়ে সমাজ আহানর প্রচলিত নীতি নিয়মে সংক্ষার সাধন এহান য়াম জরুরী অয়া পরের। সংক্ষার সাধন নাইলে সমাজ আহান প্রগতির পথে সালনি হিনপার। বিষ্প্রিয়া মণিপুরী সমাজর কুসংক্ষারর সংক্ষার সাধন এহানৌ প্রয়োজনীয় বুলিয়া গীতিস্বামীয়ে অনুভব করেসিল। 'সমাজ-সংক্ষার' গীতিনাট্য এহান উতার ফলহান। নাটক এহানর মূল কথাহানি অইলতাই অর্থনৈতিক চিন্তা বারো গৃহস্থ ধর্মর সংক্ষার সাধন। ভারতবর্ষর স্বাধীনতার আন্দোলনর ডাকহান দেনার আগে মহাত্মা গান্ধীয়ে অর্থনৈতিক স্বাবলম্বীতার ডাক দেসিল। গীতিস্বামী গিরকেও অর্থনৈতিক স্বাবলম্বীতার গজে গুরুত্ব আরোপ করিয়া ইকরেসে—

> আলু, মকছি, গুরা, পানা, দাইল মছরি থৌ চিতা, মটর চানা জিরা বাখর মুগ ছাকলখৈ আন্দি আদা হাবি ক্ষেতিত ফলেরতা,

মণিপুরীর কি অভাবথাং গারিত লাগিয়া হতকরলে।। গর গিথানি গরর লক্ষীয়ে ফুতি ফালি নিকাঞ্ল। পয়সার অভাব আর কেন ভাই ভাত নিকুলতে ক্ষেতিত্ত।

গান্ধীজীর যতর-কালচার এহানরে সমর্থন করিয়া গীতিস্বামীয়ে কুলিকাটুনি চেৎক ধরিয়া থনার হেইচা করেসে। কিন্তুমান ক্ষেতিনির্ভর অর্থনীতিত গইগ আমার মানু বসরহানর আধাহান সময় কুমেই করিয়া হারৌ পিয়মে গইগ থানাই বি বেসিয়া কীর্তন করানি, আলহান বেসিয়া রাস করানি ইত্যাদিল সমান্ধ এহান লেইরার পেরোগত, ধারর গারদে হমা বিতারাশ এহান ভান্ত দেহেসিল। গিরকে ইকরেসে - 'ধানগুলি পা বেলবাইতাই, পাচদিন থাইলাই বুলিরা। কুরাং বাসক খুপা খুচেই বিছারা বিসারিয়া । পইসা দুখান পেইবাইতাইতে, কীর্তন আখান হাঞ্জিলাই।" ইংরেজীত পৌরেই আহান আসে - 'Cut your coat according to your cioth" অর্থাৎ আয় বুজিয়া ব্যয় করানি। এবাকাউ দেহিয়ার আমার সমাজে আয়েন্ত ব্যয়র বারাহান জবর ভরি অসে। সুপকরৌ অর্থনৈতিক সচেতন নাগৈ। গিরকে আরাকৌ মাতেসে - "থেইপং হেইনু কম্ লাগিয়া , হয়ক আর ওরা লাগেই। গিরন্থিল খেইক বুলেতে এখান ছাড়া উপায় নেই।' সমাজসংস্কারে য়াম ওকত্ব দেসে কথাহান পিতৃশ্বপ হজানিরকা মালক বাপকর সেবা করিয়া বানা।

সংস্কারর পালা এহানাত আরকৈ গুরুত্বপূর্ণ কথাহান - 'বরাবালাই দেশ মেইলা। আকতার গজে আকতা নিকালিয়া লেইরাপা হাবি পাতালে গারলা।।' এবাকার অর্থনৈতিক বিশ্বায়নর যুগে গীতিস্বামীর কথা এতা আরাকৌ চুনা অয়া আহর। গিরকে নিঙল বেরাপার কায়িক পরিশ্রম বিমুখতা দেহিয়া মাতেমে - 'আজিকালির পুড়িজেলাই মৌ লাজহান কিহান হায়াপেইলা। গঠন গাঠন ফিজল কর্তে, কামদুমতে আকৃনে থইলা।।' সমাজর বিতরে কৌলিখায়ার জটগরকা সমাজর মুক্তিয়াররে দায়ী করিয়া মাতেসে 'সরদার নাগৈ দরবারর দৌ, মুক্তিয়ার বুলাং এতা। দুগই দুগই হিং ধারেয়া গাং পাচ করত কর্তা। বেয়ক দুগৈ কৌলি লাগলা দ্যবারাদে দুগ থাইলা, বাপক আগর কর্ম্ম দুখান তানু করোওইতা।।'

জর্থকরীর পাংলাক নেয়ৈলে বিদ্যা তালকরিয়া কানা নেই বুলিয়া গোকুলে পন্ডেয়া মাতেসে - বিদ্যা বেলা বেলেই (হাবিয়ে), গৃহস্থিতে জবর কর মণিপুরীরাং ওয়াখাল খান নেই।। ...নাংখার কাজে বিদ্যা করলা গরে গিয়া খানারতা নেই।। বরা বালাই বিদ্যা করকা, পইসা নাইলেও নাং থাইতই।।' সমাজসংস্কারর আরাক গুরুত্বপূর্ণ কথা আহান অইলতাই হেইমাক অইলেতে হেইমাকর বিতরর পারক্পরিক বুজাবুজি, প্রেম এহান য়াম জরুরী। এবাকার মুক্ত ব্যক্তিচিন্তার যুগ এহানাত যেবাকা কথাই কথাই 'তালাক' বিসাবেয়া হেইমাক এতা কোর্টে ধাবদিতারা উবাকা গীতিআমীর নুংশি অনুভব এহানে জিনা বাগানির প্রবণতাত্ত জিংতানির পথ জাগ দেহবা দেসে - 'নুওয়া জিনার গিদেই গিরক, খালকরিয়া চেইতা চেই। আগর দুঃখ আগই না হারপিলে হেইমাক অনির কাম্ নেই।। শাস্ত্রত মাতেরতা, জেলাগরতা হেয়ক ছাড়া আর দউ নেই।'' বেয়াপাগ সম্বন্ধে বারো উচ ফিটা দিয়া মাতেবতা - 'জেলাগ কিন্তাই নেইগ বুলিয়া, হেয়ক

গিরক তি না খালকরেই। পাকে পোষণে লক্ষীমাতা শয়নে বনিতা, শাস্ত্র চেই।। জেলা এগতে হুনার চলাগ, যেগই যেতা হংকরিক য়াকরের। জন্মে কাত্যায়নী, কামেতে কামিনী, নিত্য সিদ্ধাশক্তি রূপিনী।।"

সমাজ আহান হঙরতা কতহান বংশপরস্পরাগত চিন্তা-চেতনা, রীতিনীতির গজে ভর করিয়া। পৃথিবীর বহু উন্নত জাতিগোষ্ঠী বিজ্ঞান বারো প্রযুক্তিবিদ্যা উন্নতিল মুঙর পারেঙে আইলেও তানু ট্র্যাডিসন্যাল বারো কনভেনসনেল নীতি নিয়ম হাবিতা উরা বেলা নাদেসি বরং বহুক্ষেত্রে পরস্পরারে চেৎকরে ধরিয়া থসি জাপানী, জার্মান, ইংরেজ জাতি উতার উদাহরণ। এরে পরস্পরাগত বিশ্বাস বারো নীতি নিয়ম এতারে ইলয়াই হঙর কলাকৃষ্টি যেতাই সমাজ আহানরে আরাক সমাজরে তঙাল করিয়া থব বাবো বৈচিত্র্যপূর্ণ মানব সমাজর সৃষ্টি করের সরস্পরা এতা হাবি উরা বেলেই বুলে সমাজে শৃঙ্খলা আহান বুলিলতা নেয়ৈতৈ বারো শুরু-মইষর সাদে যথেচ্ছাচারর সুযোগ করে দিতৈ। গীতিস্বামী গিরকেউ পরস্পরারে অস্বীকার নাকরেসে। কিন্তু সামাজিক বীতিনীতির পবিবর্তনর প্রয়োজনীয়তার কথাত গুরুত্ব আরোপ করেসে। 'মাতৃমঙ্গল' গীতিনাট্যত গিরকে ইকরেসে - 'রুহিবৃত্তি মৌডুপ বুলিয়া ধরিয়া থইলে নাকরতৈ। সত্যত্রেভার কহীখান্ন কলিযুগে নাচলতৈ ।। আগেকাতে বেয়াপাতে যাছ মাংস খাসিলা। কুকির সাদে জুরা বাদিয়া কানে আংটি লামকরলা।। জৈষ্ঠ ভ্রাতা সম পিতা শান্ত্রব মাঝে এতা বুলা। কুহীখান বলবান বুলিয়াও বজক ধাইতেও য়াকরলা।। যার ক্ষেত্র তার পুত্র শাস্ত্র মাঝে মাতেরতা। এবাকাতে কিয়াকাতে অখানতে না চলিলতা।। কালে কালে কালর কথা নাহনানি নাকরের। জ্রিগই বনহান পুড়ে আনলে কাচাই মজাই না ধরের।।"

মাতৃমঙ্গল নাটকর মূল কথাহান নারী জাতির সন্মানঃ নাটকহানর অকরাগতে ইমার স্থাতি - 'ইমা ইমা তোর মহিমা, কিতা মাতৃ শৌগ মি।'ইমা বুলতে কবিরে কারে বুজাসেতাং যেগৈ জরম দেসে মালক উগরেং সমাজ ইমারেং ভাষা জননীরেং না দেশমাতৃকারেং মাতে পারিয়ার হাবিহানরে পুলাপ ইমা শন্দগল বুজাসেতা জন্মদায়িনী ইমার মূর্তিগ হাজেয়া তেইর মাধ্যমে হাবিহানরে মূর্তি পালকরেসে। স্বামী বিবেকান্দই নারীজাতিরে মাতৃ সম্বোধন করেসিল, ঋবি বন্ধিমচন্ত্রই 'বন্দে মাতরম্' বুলতে দেবী শক্তির মাধ্যমে দেশমাতৃকার মূর্তিগ হাজেয়া তেইর বন্দনা করেসিল গীতিস্বামীয়েউ ইকরেসে - 'যুগে চেইতা জেলাই জিঙেসিতা, শক্তিতে ভবানী বিদ্যাত

বীণাপানী, ধৈর্যেতে ধরণী ভক্তিত ব্রজ্ঞগোপীনী, ঔতার অংশকলা অয়া পাহরলাই নিজর শক্তি। অজ্ঞান আধারেমা খুমিতাই কতি।।' বেয়াপারে হজাক ক্রানির সালে, বেয়াপার ওক্তহান হারপুরানির সালে লেংকরেসে মাড়ুমঙ্গল নাটকহান। তার লেকেরা পাকরলে হারপেরার ঔবাকা সমাজে নারীর অবস্থানহান রাম তলে আসিল। অন্য সমাজর মানুরেউ বাজারহাটে গোলাগা বুলিয়া মণিপুরী বেহাপারে 'দুর বেটী' বুলিয়া তলকরিয়া গালেইলা। গীতিস্বামীর সংবেদনশীল মনহানে এহান সুপকরৌ থাকেরে নারেসিল। তার জীবনীহান গাকরলে হারপেরার মণিপুর দর্শনে যিতেগা পথমেরাকে এসাদে ঘটনা আহান নাঙসিল আরো উহানর প্রতিবাদ জানাসিল। ঔ ঘটনা ঔহানে গিরকর মনে গভীরভাবে দাগ কাপেসিল বারো মণিপুরে নাগিয়া মনর দুঃখে গরে আলথক আয়া আহেসিল। গিরকে ইকরেসিল - 'নিজর সম্মান নিজে হারপেই মা আকগয়েঁ। হার নাপেইলা। নিজন মানখান, নিজে না থুইলে , থুওা দেনার মানু নেইলা । বসমাজর পণ্ডিত তথা মুক্লনীরে জাুরেইল - 'ধর্মসভা मार्च मार्च काथि किका कखरे, कतिया किसाउँ উद्वेडि त्ररेव नाती अन्यान रा জাতে নেই। ধন বিদ্যা উন্নতিরকা, উপায় আখান আছে, খালকরিয়া চা তানু পাছি, জেলেইর মান বে জাতে আছে।।' উন্নত শিক্ষিত সভ্য ইংরেজ জাতীয়ে জেলেই বুল্লে মুরে কাকরিক বুলভারা। অনুমান করানি য়াকরের গীতিস্বামীয়ে তানুরে লক্ষ্য করিয়া মাতেসেহান। গীতিস্বামীয়ে মনে হিনপেয়া বাংলাল ইকরেনে - মণিপুর আমার, মেরের হাটবাজার, বিজ্ঞাতি যেতে মানা। পুর বেটি বলি, ভনতে হর না গালি, হাত ধরা কাপড় টানা।। এ নর মা স্থদেশ, আছি পর দেশ, বুকে না নারী সন্মান। নারী দেখ্দে তারা, হয় আছহারা, ভদ্রাভদ্র নাহি জ্ঞান।।' অমাটিক কম কথাল কতি নুংশি ভাষাল তাব রিদির গভীর আবেগ আহান ফংকরেসে কবিগিরকে। বারো এহানর প্রতিকার স্থরূপ পথ দেহাসে ^{ব্}রজার কাহানি আঞ্জিন্ত ইমা, নাগুঙাই আমি তোমারে। মণিপুরী এতা হাবিত্ত দাগুরতা হারপাছি জগত্ সংসারে। বার গিয়া জানিয়া, কিভার কাব্দে বুলিয়া, মানখান ডুবেইভাই সাগরে।।' উবাকার পরিস্থিতিত উহানরে চুম পথগ বুলিয়া মাতেসিল। গিরকে পথ দেহাসিল গরে বয়া নাথায়া ইমাইললে ফুডি বুনিয়া, গিরস্থির কাম করিয়া ধন অর্জন করানিরকা। মাতৃজ্ঞাতিরে সন্মান জ্ঞানেয়া গীতিস্বামীয়ে ইকরেসিল ভার বহল প্রচারিত এলাহান - 'বর দেই বর দেই গিরিগিথানী, আজিত অকরিক ইমার সম্মান রকা করানি ৷' একা এহানর কতহান পারেং আত্মসমালোচনা, আস্থোপলন্ধির

চুড়াগত কাকরিয়া আত্মন্ত সমাজরাং সমাজর হুনুমকার (বাজব) চিত্রগ তুলিয়া ধরেসে - 'নিজর গরে নিজে রাজা মিয়াঙে দাদি বুলানি।' 'খাই রতা তামকরতেগা মেয়াং কালিসাৎ পরলাং। মিয়াং মালয়া কত করলাং দাদি উপাধি পেইলাং।।' 'কওয়াই রৌনি অকরলেতে দিল নাইল রাতি পোহানি।' ইজাদি। দার্শনিক আগর সত্যদৃষ্টিল উপদারি করেসে কথাহানি। এহানাত তারাং ভবিষ্যতবক্তার মিঙালহান পেয়ার। তার উপলব্ধ দার্শনিক সত্যহান আরাকৌ টাংখেই সেঙসে এরে কথাহানিত - 'ধন, বিদ্যা সম্মান আর হাবিয়ে আকতা অনি। এ চারিহান নায়া নাইব দুঃখর রাতি পোহানি।" বর্তমান ধনতান্ত্রিক বিশ্বায়নব মুগ এহানাত কথা এহান কতিহান চুমসে উহান হাবি মানুরে মর্মে মর্মে উপলব্ধি করতারা। ধনে শাসন করের ভারতবর্ষ তথা পুলাপ পৃথিবীরে বাঙালী জ্বাতি বিদ্যার প্রাদে বিশ্ববিজ্বয়ী অসি।

গোকুলানন্দ গীতিসামীরে শিক্ষার গুরুত্বহান উপলব্ধি করিয়া ইকরেস 'শিক্ষা আদ্মসম্মান, জিণ্ডিরা তানু বিয়হান, না গনতারা মানু বুলিয়া নিংকরলা
বনর আন্তি।।' আদ্মজীবনীত ইকরেসে - শৌর্য, সরলতা, স্বারলন্ধী,
স্বাস্থ্যবান, বিলাসিতা, জাতিতে ক্ষতিয় বারো ধর্মপ্রাণ বিস্কৃপ্রিয়া অন্য জাতর
গিঠিত পরিয়া থানার মূল কারণ দুহান - 'শিক্ষার অভাব আর পরাণুকরণ।'
ভারতীয় মনীষা মহাত্মা গান্ধী, দ্বানক্ষ সরস্বতী, বিশ্বকবি রবীজ্রনাথ,
বিবেকানন্দ প্রমুখ গিরকলকেরে শিক্ষা বারো অত্মনির্ভরশীলতার গজে গুরুত্ব
দেসিলা। শিক্ষার গুরুত্বান হারপেয়া ত্রিপুরার কাঞ্চনবারীত পাঠলালা সৌরে
শিক্ষিত করিয়া তুলানির লগে শিক্ষা প্রচারর কামে আন্মেনিয়োগ করেসিল।

শিক্ষা বারো আত্মসন্মানবাধ এহান কমইতেগা বিষ্ণপ্রিয়া সমাজে পরাণুকরণ অর্থাৎ মানুরতাই হবা নিজরতা চপ এ চিন্তাহান হাচুরা নুরারাহানর সাদে সিলয়া পরেসে। উহানে সাদহান বুলেউ খাইজেলাগর তুলো পান্তাল্লা দিয়ার, ঠারহান বুলে বাংলাহানরে চেৎক ধরিয়ার। ইন্তালা মাগধীজাত অর্থাৎ কবি কালিদাসর সময়কার সমাজর তলর থাকর মানুরে টটরাসি প্রাকৃতজাত ঠারহানরে বজবুলি বুলিয়া সংস্কৃতর সাদে পবিত্র ঠারহান বুলিয়া বলে চলানির আতল্লা মালসিকতা আহান দেহিয়ার। উহানে আমার শবাদ কর্ম, দৌর কামে নিজর ঠার এহান এবাকাউ অবহেলিত অয়া থাইল। এ প্রবণতা এহানে মাতৃভাবাহান মিমুত অনার পথে সালৈতৈ। আমারতা এহানান্ত ঠারহানরে জিংতা করানি লাগতৈ। গীতিস্বামীরে ভার কবিত্বশক্তির গুণে, ইমাঠারর ভক্তিল দেহবা দেসে বিষ্ণপ্রিয়া ঠার এহান কোনবৈদে কম নাগৈ। উহানল

ইমাঠারে নাটক ইকরানির গজেউ বৈশ্বর জাতএহানর রিদিত ইমাঠারর ভিক্তিহানৌ ইলকরে দেনারকা পালাকীর্তন ইকরেসে - বাসক, মান, মাথুর, মোহিনী, বেশ ইত্যাদি। উবাকার ফালুর ভাবকে তার রসসিক্ত, ভক্তি-ইল্লা ভাব বারো ভাষার ফাদুহানে তানু পেরেম করানিত বাধা অসিলা। গিরকর বিখ্যাত বাসকল্যার এলাহান - "আর আশা নেরৈল, মুবোরা ভালেল, সিঙ্গারেই পরিল শাতয়া। মনে মনে কতিউ, করেসিলু আশা, প্রাণক্ত্র আইতে বুলিয়া।।' এবাকাউ লিশিং লিশিং ভাবক বৈশ্বরর রিদি গলা বেলার। মানর এলা -"চিনো চিনো চিনো চিনো সিখি, চিনো এগ কুন্তু, চিনিয়া হদেয়া তারে চিনি খানি খবাদেই।" বারো "রাধারে বিবুলা চুয়া দৌগই ধরল। বইলে মাটি খৎকরিরী, উবাইলে মূরগ খাজুরেইরী।" এরে নুংশিপা অথচ লঘু পদো এতাই ভাবক পেরেম প্রসালা। এরে এরে ওন এতাই গীতিস্বামীর জনপ্রিয়ন্তা উচ চুডাগত ফরসিল।

গীতিস্বামীর আবাক ডাঙর চিন্তাহান ভার রা**জ**নৈতিক ভবনা। গিরকে সমাজর সালে পাগলগর সাদে বুলিয়াউ দেখল আন্তির কানে কেনা বানাহান পারা - ক্নলে কাদতারা, গরে যিবাগাই পাছরতারা। মাতাম উহান সমগ্র বিশ্ব তোলপার করেসিল সাম্যবাদী রাজনৈতিক আদর্শহানে। তাও ও আদর্শে দীক্ষিত অয়া হাবি খামতলর মানুর কাজে লালফাম করানিরকা ভারতর কমানিষ্ট পার্টির সদস্যভূক্ত অসিল। পৃথিবীর ইতিহাসে দেহিয়ার বহু শিল্পী সাহিত্যিক মানুর গঞ্জে মানুর অত্যাচার খাকেরে নুবারিয়া সাম্যবাদী আন্দোলনে বুক্ত অসি। পাবলো পিকসো, এপলোনেয়ার, ম্যাক্সিম গোর্কী, প্রেমচান্দ, জ্যোতিপ্রসাদ আগরবালা, বিষ্ণ রাভা প্রমুখ চিন্তাশীল, সৃষ্টিশীল মানু সমানাধিকার প্রতিষ্ঠার সালে তানুর কলম আতে ধরেসি। রাজনৈতিক দলভুক্ত অইলেউ গোকুলানন্দই নিজন্ন মানবিক শিল্পীসত্বাহানরে দুরেই নাকরেসিল গিরকর রসবোধ উহানে তারে পরিচালিত করেসিল। বিরাধীপক্ষরে গিরকে আক্রমন উহানৌ কবিতালো বারো এলাল করেসিল যেহান 'স্থাকঠ ' ড ভূপেন হাজরিকাই পিসেকার সময়ত প্রয়োগ করেসিল বারো এহানর সূফল গাসিল। এ কৌশল এহান ভারতীয় তথা বিশ্বর গণতান্ত্রিক ইতিহাসে উচ্ছল উদাহরণ আহান অয়া জিলকিয়া থাইতৈ। গিরকে জনতার অকুষ্ঠ সমর্থনে বিখুক্তম ত্রিপুরার টেরিটরিয়াল কাউলিলে বিৰোধী পক্ষ অয়া নির্বাচিত অসিল। किन्ह भाजक मन्त्र नागर्छ मानविक मन्त्रक रखाग्न प्रजिन राज्ञान त्राक्रांनिक জগতে নিবিদ্ধহান। কিন্তু শিল্পী আগ, সাহিত্যিক আগ কোন সীমাবদ্ধতার বাধনে থানা নামনার। উহানে গীতিস্বামীয়ে শেষ জীবনে রাজনৈতিক দলেন্ত

মুক্ত জয়া থানা মনাসিল। যেহানর কলে ১৯৬২ সালর ১০ জুলাই গিরকর সাদে প্রতিভাশালী, মানব দরদী, সমাজ্ঞচিত্তক আগর মরণর হেজিহানাত কাকরে দেনারকা গিরকর সাকেই-কুটুম, মারাল মাশাঙরমা আকগৌ শাশানবস্থু নেয়সিলা। চিতাগত কাকরানির আগে তার দেহাগ পবিত্র করানির সালে মাজ্রপ গানি ফুটি থিকরে দেনার বামুন আগ পেয়া আওবেয়া নাহেসিলা। এহানহে শিল্পী আগর, মহামনীষী আগর জীবনর পরম প্রাপ্তিহান সাদ। নিংশিং জনা য়াকরের মহান গ্রীক দার্শনিক সক্রেটিসে জেলরমা বিষ পিয়া আকখুলাগই অসহ্য যন্ত্রপার হাদিত ইং মরণহানরে কলকরেসিল। উবাকা তার মুংহানাত আফিলকতাই তারে আনিয়া বিষ পাত্রগ দেসিল প্রহরী উগ, ঘটনা এহানর সাক্ষীগ জয়া।

গোকুলানন্দর যারি দিতাঙাই মাহি আমার রিদি এতা মিপ্তাল পালৈতৈ।
তার এলা, তার কথাই আমারে মৌকরতৈ। কিন্তু তার য়ারি হন্দা হনলে
নাইতৈ, তার কথার মর্মার্থ উপনির হল্লা করিক। গীতিস্বামী গিরক দৌ অয়া
অমৃতময় ধামে গতি করানির য়াংখেই বসর পিসেদে তার সাহিত্যর নুরা
মূল্যায়ন অনা থকর। গিরকর সাহিত্য সা সা করে বাহিয়া আহেসে উবাকার
সমাজর অতো লাকা , আধার-মিগুলের, লালকাম বারো আহ্বমর্শনর য়ারি।
যেতা য়ারি হনুবেয়া কবি আগই, চিন্তাবিদ আগৈ, দার্শনিক আগই নিরলে
নিভূতে আকখুলাগই আহির পানি বেলেয়া কাদিয়া গেসেগা উতার বেদনাবিধুর নুংশি ফালগা। উতারে উপয়া, উতার পালোকে, উতার পাকোলে সমাজ
সেবাত, সৃষ্টিশীল কামে, ভাষাহানরে জিংতা করানির কামে ব্রতী অইক। উহান
অইলে তারে আবৈপা শ্রদ্ধাহান জানানি অইতৈ। গীতিস্বামীরে আমারে
গ্রুবতেরাগর সালে পথ দেহেইতৈ। মাতে দিতৈ – 'ডর নেই, ডর নেই, টো
কাটিরা সলৈল নৌগ ত্বাক চড়েই।।' ইমাঠারর নৌগ, সমাজর নৌগ
কোনদিন না বুরতৈ। হাবিহান সালৈ – জয়বিঞ্চ বুলিয়া।

গোকুলানন্দ গীতিস্বামী গিরক বিষ্ণুপ্রিয়া মণিপুরীর হাগহানাত চিরদিন পুঞ্চিলালা ইঙাল ভাল তেরাগর সাদে দ্বিলকিয়া থাইত। তার লগে জিতোয়া থাইতৈ আমার প্রিয় ইমাঠারহান।

পরম্পরা বার বে-জাত

সৃष्टिত সিংহ

বিজ্ঞানর যুগর উন্নত সভ্যতার তুল তাল তিলকরিয়া কাকেই কারানির সিঙনাহানাত জিঙানির হল্লা করেকুরাল বুজা এরে পৃথিবী এহানরমা কালর বৌ উরুলীর কালচক্রর বুকে হমেয়া ফরদিতে ফরদিতে সমাজ সচেতনতা, দায়বন্ধতা, জাতর প্রেম ব'র ঠারর প্রেম হাবিতা পাহরিয়া বিভূলা অসি। নিজর নাঙ প্রকামর উকেইর হাবির গজর থাকে ইকরানিল গঞাল মানু এতায়, আপা-বপাই হংকরা নিয়ম-নীতি পরস্পরা-কৃষ্টি সংস্কৃতি ব্লহ্মা করানির শুকু দায়িত্ব পালন করানি থক বুলিয়াউ না খালকরতারা বরং "পরস্পরা" এতারে কু-সংস্কার বুলিয়া মান্তেও কিতিকুক্রম নাইতারা। মেলাগ হক্ন হক্ন জাত নিজর অস্তিত্ব বার ঠার মাংকরিয়া আর আর ডাঙর জ্বাতর তুল তিলয়া ডাঙর পরিচয় দিতারা বিভাগ-বিপাই হংকরা নিয়ম-নীতি বার পরস্পরা এতারে নুরা সভ্যতার প্রহণ নাকরিয়া বিচার-বিবেচনা নাকরিয়া নুবা করে সমাজ সংস্কার করিয়ার বুলতে নিয়ামপারা হরু হরু জাত মিমুত অয়া যানার প্রমাণ আমার আতে আসে। আমি বিষ্ণুপ্রিয়া মণিপুরী এতারভাও এবাকা ও সময় উহান আরা ফৌবসেগা। শিক্ষার উবেদে পিঠিয়েদে থানি, ধন সাম্পা**লে লেই**রা অনি বার সংখ্যা লঘু অনি এহানাত আপা-বপার নিয়ম-নীতি বার পরস্পারার প্রভাব নিয়ামপারা বুলিয়া এবাকার শিক্ষিত বেইবুনিয়ে মাতানি মনেইতারা। আসার পরস্পরারমা সংশোধন করানিরতা নেই বুলিয়া নাও মাতুরী; সমর, ফাম বার পরিস্থিতি চেয়া খানি মানি নিয়ম-নীতি এদিক-সেদিক করানি উহানও নিয়ামপারা হ'য়হান। আজিকার বৈজ্ঞানিক যুগ এহানাত হাবিতা নিয়ম-নীতি বার পরস্পরা য়াকরিয়া আটানি নারিয়ার তবে নিজর জাতহানরে বার ঠারহানরে পূঞ্চি পালকরিয়া থয়া আরতা বেহানও করিক। আমার সমাজে আর আর জাতর তুল নিঙল অংনা থেংনিত ডাটয়া নিষেধ করিয়া গেসিগা আমার পূর্বপুরুষে। এহান্ত্রে আমার শিক্ষিত বেইবুনীয়ে কু-সংস্কার বুলিয়া মান্তারা বার এসাদে রীতি হুদালা আমার সমাজে বুলিয়া নাগৈ আর আর জাতেও আসে। আপা বুপাই হংকরা এরে রীতি এহানরে কু-সংস্কার বুলিয়া মান্তাং না জাতহান বার ঠারহানরে জিংতা করিরা থনির তাং কবচগ বুলিয়া মান্ডাং?

সময়ে সমরে ভাঙর ভাঙর মহাপুরুৰে জাতিভেদর য়েনো করিয়া গেসিগা। মানুডে হাবিরেও ভগবানেই হংকরেসেতা। ফাম অনুযায়ী ঠার, ধর্ম, আচার ব্যবহার খানি ভঙাল অসে এহানরমা আর আর জাভর ভূল বিল্লা, লুহঙে কিরাকা এরে "গমনেই" পরস্পরাং মি মাতিং বুল্লেভে আপা-বগাই হকেরা এরে পরস্পরার সালেদে কতি দুঃখ, হৈপদ, লৈলাট খাকেরিয়া ইস্ফাম, ঘর-পুরার হাবিতা বেলেয়া দাপদানির পিসেদেও বিকুপ্রিয়া মণিপুরী বুলিয়া নিজর পরিচয় দেনি পারিয়ারতা, নায়ন্দেতে কুম্বাকাও আর আর জাতর তুল তিলয়া মিমুত অয়া গেলাংগাইসগা। আপা-বলাই সঠিক লথগ দেহবা গেসিগা কিয়াকা বুলেতে আমারভারমা বেজাতর অনুকরৰ করানি হবা পাকুরা নিয়ামপারা আসি, বে-জাতর ফুডি পিদানি, বে-জাতর ঠার টটরানি বে-জাতর বানা খানি এহান নিয়ামপারা মনেইতারা। ধর্মহানল নাগৈ ঠারহানলৈ জাতহানর পরিচয়হান থকরা ঠারহান না টটরলেতে জাতহানও নেয়া জিতায়গা, নিজর জাতর নিঙ্গ বিয়া করিয়া টাউন বাড়ীত আসি আমার বেইবুনিয়ে নিজর সৌ সুমারার লগে আমার ঠার না টেরেয়া বাঙলী, আসামী বার হিন্দী টেরতারা বেহ'ন আমার ঠারর ভবিব্যত বিপদমুক্ত নাগৈ। আমারভার আমার ঠার না টটরতারা এহানাত বে-জাতর নিঙল আনিয়া আমার সৌরে আমার ঠার হিকুরেয়া জাতহানরে জিংতা করিয়া থনি পারতাঙার বুলিয়া আশা না দেহুরী। আমি কুপকরে বিসারেয়া চেইক আজি পেয়া যতগৈ বে-জ্বাতর নিঙল বিয়া করেসি উতারমা কৈগৈ নিজর সৌর লগে আমার ঠার টটরতারাতা বার আমার ফিজেৎ পিদুবেইভারাভাঃ আছউগরমা আগও নাপেইভাঙার। এরে পরিস্থিতিরমা আপা-বপাই হংকরা এরে রীডি এহান জ্বাভহানরে জ্বিংতা করিয়া থনা পারেসি মাহিতে মুঙেদেও বুটি লেপরা থানা পারতাঙয়। নুবা তেংকলর নুবা খালকরানিরে প্রাধান্য দিয়া "বে-জাত হ'য়" বুলিয়া স্বীকার করানি থকৈলেভে পৃথিবী এহানরমা হত আসি আমার বিশিষ্ট চিন্তাবিদ, শিক্ষাবিদ, ঠারবিদ সমাজ সংস্থারকরাতে অকরিয়া সমাজর হক্ন ডাগুর হাবি থাকর মানুরে ভাহিয়া মহামেল পাতিক, যুক্তি দেহুৱেইক, তর্ক করিক, জাত বার ঠার জিংতা করিয়া থনির নুবা রীতি হংকরিক "বে-জাত না" বার "বে-জাত হায়" দিয়হানির গব্ধে বিচার করিয়া যেগদে নিয়াম মতামত অইতৈ উহানরেই য়াক্বিক। চরে চরেদে বে-জ্ঞাতর লগে বিয়া অনি, উতার লগে আনাগোনা করিয়া জাতহানর মান সম্মানে আঘাত নাকরিক।□□

কলঞ্চিনী ইমা

সমর সিংহ

'পাপা, পাপা য়ে ভাইয়া ক্যা বোলরহা হ্যা ?' পুতকে আংকরল। বাপকে পুতকর তিরাসে ডলডলা আহিথম চেয়া মুকসি আহান দিল, বুলনদিয়া মরে মাংল, বাবা, সৌগই ইমাঠারহান হার নাপার হিন্দীঠারল টেরা।'

মি চেইলু, পৃতকরে সাপোর্ট করিয়া মরে পৃতকর সুবিধারকা হিন্দী ঠারল টেটরা বুলের বাপকর মেইথম উহান উবাকা পুতকর গরিমাই ফুটিং ফুটিং অসে ৷ মি আচনক অ পরলুগা, জুরাপ নাপেয়া কতহান থায়া আংকরলু, 'জেঠাবা কিয়া, হাত্তিকে ইমাঠার চর্চা নাকরের ং'

হাত্তিক, সৌ উগর নাংহান তা সেন্ট্রেল ইস্কুলে সপ্তম শ্রেণীর ছাত্রগ বাপক আর্মির সুবেদার মেজরগ। মি করলু সরালহান হুনিয়া বাপকে নারগ নিকালেয়া আহানি অকরল। মাৎল, 'ইমাঠার, কুরাং থায়া টটরারতা বাবা; হামেসা অন্য জ্ঞাতর সৌর তুল তিলৈতারা সৌরে ইমাঠার হিকেয়াতে লাজে পরতাংকরে। নাট্ট চলের ঠারহান, না টটরানিয়ে বালা।'

'বেটা, হোমবার্ক কিয়া?' বেয়াপা নার আগ বিতরর কুঠাগন্ত খেঙ্য়া নিকুলিল। মি বুলনদিয়া চেইলু, দেখলু মালকে হাত্তিকরে বিসারেয়া আমি বহেসি উবেদে দিয়া আইরি। মি আর উপেই বনার ঝামা নাকরলু, লগে গেসিলগা উদাক উগরে বক্সে উঠেয়া আলট্রামডার্ন পরিবেশ উহানান্ত নিকুলিয়া ঝাই সাজৈলু।

জাতর পরিচয় দিতে পইলা ঠারহানর ভূমিকাহান ঠৈ। কুন্ মানুগৈ উঠতে বইতে, খেইতে পিতে কি ঠারহান ব্যবহার করের উহানর গজে তার জাতর পরিচয় প্রকাশ পার; এহান বুদ্ধিজীবী তথা সমাজ বিজ্ঞানীর মতহান। আমি হাবিয়ৌ বাহিরেতে তণ্ডাল তণ্ডাল ঠারল টটরেয়ার, কিন্তুমান গরেতে ইমাঠারহানর পটা অন্য ঠার চর্চা নাউ করিয়ার।

আইলু পথ এগ হাবিগ মরে কিসাদে অকাটা আহানে উল্টেয়া থইল। কাদাবারার হোটেল আগ চেরা মি হমেইলুগা, খৌনুগ ভালকরে পানি ফুটি পিয়া অকাটাহান সাময়িক খামকরিয়া শিক্ষগ্রামর গেইটাহান লালৈলাং। উদাক উগরে আংকরলু, 'এবেদেতে বার কিয়া, বার কুমপেই নরগাতাং'

তা মাৎল, 'আয়নে, গেলেগা হারপেইডেই '

কিহানী করতু, জনমকার উদাকগ 'তারকা মি, মরকা তা'; কথাহান থয়া শিল্পগ্রামর অভিটরিয়ামগদে হমেইলু। আধারগ অসে হলগর বিভরে উমকরে উমকরে দুহান চকি কারলয়া বইলাং।

কুমেইহান চলেসে, চানাহান নুঙেয়ৌ অসে। কনাক মুনিসৌ, নিঙলসৌ এহান কিসিম কিসিমর ফিজেৎ পিদিয়া আকতাই বৃটিশর ঠারে আকতাই হিন্দুস্থানী ঠারে বার আকতাই অসমী ইমার জু কুচকরা ঠারে এলা, নাসা বার কথাল বতরগ অসি।

মি উদাক উগরে আংকরলু, 'বাহা গিরক, চানাতে চাউরি, কিন্তাউ উপ-আপ নাইলু কুরাং বরেইলেগ?'

তা মাৎল, 'ফ্রেসার্স।'

মি জুৱাপ দিলু, 'হে?'

তা বার মাৎল, 'ফ্রেসার্স, আমার ছাত্রসৌর ফ্রেসার্স। এপেই দেহর দর্শক, পারফর্মার হাবি আমার সৌ, নুঙেই পেইতেই চা।'

মি যেমন হাগহানাত পইলু পারা। কতহান ইম্পানিগ অয়া বুকগ আতেয়া ঠইগ জাগাৎ আসেনেই চেয়া তারে মাংলু, 'হুনা গিরক, উঠ। কত চেইল কুমেই নাপাসং।'

মর উদাক নিরুপায়। মর তুল আটলে তা প্রায়ই নিরুপায় অর, উতা বুলিয়া তা নাউ সম্বর। তা মরে হবাক চিনে, মি যেপেয়ৌ পরিচালকর ভূমিকা না দরৌরি। ডিগলকরে ঠুনিংশা আহান কারিয়া মুকসি আহান দিল পাউরি; আধারগৎ মি নাদেখলু। দোবাৎ নিকুলিয়া বাই সাউলু। তা আংকরল, 'এহুমতে?'

মি মাংলু, 'তি জানস্।'

কথা নেই সুরুবুরু বাইকহানাৎ বয়া সেল্ফগৎ টিপা দিল নুংশিকরে রৌহান নিকুলানির আগে মি আকফালে তার পিঠিহানাৎ বইলুগা। চুমসেৎ গর। আমার বিশিষ্ট লেখকর দল আহানে জাতহান মিমুৎ অনির তঙাল তঙাল যুক্তি দেহুরেইতারা। কুনগৈ এ কাফামে বেজাত লৃহঙর প্রভাব এহানরে মুখ্যতঃ বুলিয়া দাবিয়ৌ করতারা।

গরে ফবরা মি মনহান বুজা নারপু। মুরে-গারে হিনেয়াউ আরামহান নাপেইপু। পাকরানির কুঠাগদে হমেয়া লাইটগ নিবেরা আধার উগং জুম মারিয়া মরে মি কতহান দেহানির হলা করাৎ থেভৈপু।

নুবা প্রজন্ম, যুগান্তরকারী ছাত্রর তেংকল, তানুর কি ভূমিকা। নিজরে লুকেয়া থয়া আরাক পরিচয় আহানল প্রতিষ্ঠিত অনিৎ সালসি দল এহানর ভবিষাৎ পৃথিবীরমা কুন্ জাতে নামাকরণ অইতাই, ঠিকানা আসে?

মর উপন্যাসহানর সমনির কথা খানি পেইলু। খমকরিয়া পাজালানির রামা করিয়া উঠতেই আকতা ইমাই কুঠাগ পহর করেদিয়া হমেইলিগা। মাৎল, ইমার ঠই, আধারগৎ কিতা কররতা?'

মি মৃকসিহান দিয়া মাৎলু, ইমা, মা'ঙসে মেয়েক কতগ বিসারলুতা।' ইমাই আংকরল, 'পেইলে ?'

মি মাংলু, 'পেইলু ৷'

ইমাই ইনাফিহানর আউরেত্ত নিকালেয়া দলা খাম আগ মরবেদে দেহুরেয়া দরল। মি আসুলদিয়া চেইতেই দেখলু গজহানাৎ মর নাংহান ইকরেসি। কুরাংত আহেসেহান বিসারতেই হারপেইলু, বিষ্ণুপ্রিয়া মণিপুরী ভাষা–সাহিত্যর অগ্রণী সংস্থা আহানান্ত আহেসেহান।

ইমাই মাৎল, 'পাকরতা কিহান?'

কুন কথা নেই খামগ ফারিয়া বিভরেন্ত চিঠিসৌ আহান নিকালেয়া পাকরাৎ দরলু, পাকরতে পাকরতে মর আহিথম ভালৈল। দেহুরি, ইমাই হারপানি মনেয়া মরে চেয়া বাসাসে। ডিল নাকরলু, ইমারে মাংলু, হিমা, মরে সাহিত্য পুরস্কার দেনিরকা ভাকদেসি।

ইম্পানিগ অয়া ইমাই আহিথম জিপেয়া ডিগল করে নিংশাহান বেলা। যেমন, ইচুদিন মুকা নারেসে গাঠিগ একাকাই মুকিয়া সর্ক পরিল পারা। মি আকফালে ইমার চরণহানিৎ পরলু। ইমাই মরে তুলিয়া, মুঙে ব্রেয়া আহিরপানি পট পট করিয়া মাৎল, ইমার ঠই, আজি মর হল্য আর্থক অইল, তি মরে কলঙ্কমুক্ত করলে। বাবা, মি তরে বর দেউরি তি আরাকৌ সৃষ্টি কর, সমাজে তর জয় জয়কার অক।

ইমাই আকতা মাৎল কথাহানিয়ে মর বুকগৎ সেৎক বারিসৌ আহান দিল। মি কেজনসৌ আহান দিয়া আংকরলু, ইমা, তি মাৎলে কথাহান মি উপ নাইলু, এপেই 'কলঙ্কমুক্ত' শব্দ এগর অর্থহান প্রকাশ নাপেইল।'

আহিরপানি পুসিয়া ইমাই মুকসি আহান দিল। মাৎল, 'ইমার ঠই, উতা য়ারি দিলে ইতিহাস আহান। আজিতে তরে বাগাৎ পরেসু, হুন।'

ইমাই মাতানি অকরল, মি হুনিয়া বইলু।

ইমাই মাংল তেই বেজাতগ, বাবার তুল প্রেম অয়া আমার সমাজে-গরে তানুর সম্বন্ধ এহানরে স্থীকার নাকরলেউ নিজর ইচ্ছাই লুহঙ অসিলা।
ইমা উবাকার শিক্ষিত নিঙলগ, বাবা কলেজর প্রফেসারগ। লুহঙর আগে তানু
সমাজর বিশিষ্ট মানুরাং এহানর সু পরামর্শ পানার খৌরাংল তিলসিগা,
কিন্তুমান কুনগৈ তানুরে গ্রহণ নাকরেসি। তেইরে বংশর কলঙ্কগ বুলিরা খুটা
কারেসি, বাবারেউ 'জাত পরিল' বুলিয়া সমাজখেদা করেসি। লুহঙর পিসে
বাবাউ নিয়াম দিন নাথায়া দৌ অসে। জিংতা অয়া থাইতে বাবাই ইমারে প্রায়ই
মাতেসে, 'তর কলঙ্কর দাগহান সৌগই পুসে দিতৈ, সৌগই আমার অস্ত্রগ।'
টটরতে টটরতে ইমাই হক্গ খামকরে নারিয়া কাদে বেলা। চাউরি হান্ডে
মরতাট গালগি তিঙেসে। ইমার উরকহানাৎ আহিরপানিসিটা পুসিয়া মি উঠলু।

ইমারে হারৌ করানিরকা মি মাংলু, ইমা, কিয়া দুঃখ করৌরিতা, তরে কুংগৈ কলন্ধিনী বুলেসিগ, কলন্ধিনী তানু, যেতাই তরে খুটা কারেসিলা, যেতাই নিজর সৌরে ইমাঠারেন্ড দূরেই করেসি। তিতে ইমালকেইর শ্রেষ্ঠ ইমা আগ, তিয়ে মর সাহিত্য, তিয়ে মর স্বর্গ।

ইমার মেইথহানাৎ হেইরাপ পহরহান দেহিয়া মর বুকগ চিকইল পারা। পিসেকার দিনে হিনেয়া ঙকখি অয়া ইমার চরণধূলি মুরগৎ গসিয়া বার্তন রক্ষাত সালৈলু।□□

গীতিস্বামী গোকুলানন্দ গিরকর জন্ম জয়ন্তীর দিনে গলসৌ এহান কাৎকরে দিলু। —লেখক

A BEFITTING TRIBUTE CONTINUES TO ELUDE GOKULANANDA

Ramlal Sinha

Do the messages of alternative media mogul Gokulananda, fondly called as Gitiswami, have their right impact on the present Bishnupriya Manipuri community that is witnessing a rat race almost on all fronts? The commoners in the community are a baffled lot, a large number of which are mere puppets at the hands of the few influential ones. Not to speak of the commoners, even the so-called conscious lot in the community is treading a path that will lead the community nowhere. Had the bard been alive today, the Bishnupriya Manipuri community would have seen him in different avatar – a mediator. Since nothing was more precious to him than the well-being of the community that he was born, the ministret would have been ready to play any role in order to keep unity and integrity in the community intact. The need of the hour in the community is another Gokulanda who ensure a grand rapprochement in the community

Is it the cutthroat competition that is being witnessed on all fronts in the community behind the current ret race? Competition is a 'respected' word in all aspects as it allows us to select the best from among a whole lot of probable candidates. This statement stands valid so long the contesting candidates are honest enough to keep their competition a fair affair. However, in the present day competition, the word 'fair' finds no berth, and this trend is not an exception to the Bishnupriya Manipuri community that has just entered 'active politics' with the formation of the Bishnupriya Manipuri Development Counc I (BMDC) at the fag end of Chief Minister Tarun Gogoi's second term at Dispur.

That the BMDC is a boon for the community is an undisputed statement, but one should not be complacent with

that. If we need to derive the best out of the BMDC, we should ensure that those at the helm of its affairs in the community are fair enough. However, all that is happening in the Bishnupriya Manipuri community concerning the BMDC nowadays is far from being fair. As it has always been, those who rule the roost in the community are a divided iot. So strong are their respective footings that they have already polarized the community. It's the commoners who have suffered the worst casualty in the war of nerves currently underway among the heavyweights in the community. The common masses have no way out but to hanker after mere 'benefits' that never come to them without any rider.

When those at loggerheads aren't ready to step back, for the well-being of the community, one can only pin hope on a section of leaders, writers and intellectuals, who, for reasons best known to them only, have opted to zip their lips. They can detect the ailment and its remedy right. However, they continue to refrain from opting for a rapprochement from their own that can put an end to the unfair and fierce competition for the share of power-pie.

Walkover is valid in any fields be it sports or politics, so long there is no contender worth the name. However, when someone throws his or her cap into the ring, any attempt to pave the way for a walkover, someway or the other, is considered as cunningness, and a leader resorting to such practices can never be the darling of the mass, his fellow beings. An impeccable track record is something what a politician needs to guard jealously, if he or she is to get his people beside him, all the time. One may win the race by resorting to an unfair way, but he or she loses the spirit of the game. He or she will remain a loser, at least to the postenty.

The roadblock that the community has hit, of late is essentially an obstacle we ourselves have put up. Over the years, we had the key to the solution of all problems of ours at Dispur, but now we have the key to the solution with some of our own people, who, for reasons best known to them only, want to keep the problems alive. The fate of the BMDC is hanging in balance, and the reason behind this is not far to seek. The crux of all problems in the Bishnupnya Manipun community is the "ego" that is not ready to adopt itself with the ever-changing social environment.

If the increasing legal wrangling in the community for no personal enmity is any indication, the day is not far when such cases will only spell doom for the community. Can a community that is limping to stand upright afford to waste its precious time on such a rubbish job that leads one nowhere? In this regard, I would like to appeal to the gentlemen concerned in the community to keep it in mind — legal option should come as a last resort, not as the first, in solving any problem that seeks a just and lasting solution.

The irony is that we still fee proud of giving one another a good run for our hard-earned money so as to fail our fellow beings on the pretext of celebrating the birth anniversary of great men like Sri Sri Bhubaneswar Sadhuthakur and Gokulananda Gitiswami. For the well-being of the community, one needs to come to terms with even an unpleasant development in the community if he or she doesn't have any viable or better alternative at hand. Taking anything to terms becomes much easier when one does have a well-set target — and in the present context the target can't be anything other than the well-being of the community. This is one of the teachings of all great men in the world, and Gitiswami and Sri Sri Bhubaneswar Sadhuthakur are no exception

I do remember the last few words uttered by my mother moments before breathing her last. When my eldest brother had asked her to spell out the very kind of shraddha she would like, she only replied: "What I want is unity among all my sons and daughters."

If we feel I ke paying a befitting tribute to Gokulananda Gitiswami, we should do our best to keep the community that he had been born in order with its unity and integrity intact. Can't we? Such a tribute to the great poet continues to elude us. In a community in which people with vested interests, including some front-runners, are out to drive a wedge between probable power centres so as to mint money or to get their footholds, we can only strive for a bright future that, more often than not, turns out to be chasing mirage. Will the good sense ever prevail in the probable power centres in the Bishnupriya Manipuri community and its think tank? We can only hope against hopes.

তর নিঙে মর এলা আহান শিবেল সিংহ

গকুল কবা কুরাঙ থাইলে আমার লামে আইনে গর পাতিক তর নাঙে তর নারে গেইক্নে। তর এলা হ্বনিয়া যেতাই হজাগ অইলা সমাজে তানুরেহে সমাজ এহান পালকবলানাই মিমাঙে। গকুল করা কুবাঙ থাইলে আমার লামে আইনে...। তর এলার মেলে পরিয়া মেললা সমাজ চেয়াই জাতর সেবাই সেবারীহান অইলা লয়াই লয়াই। গরে গরে গীতিস্বামী অইলা মানু সমাজসেবী উঠে উঠে ইথৌদেনাত চেয়াই ছুবি লেঙসি। গকুল করা কুরাঙ থাইলে আমার লামে আইনে...। রতনগ, তি গীতিস্বামী নীলমনি তি আমার মান ইজ্জ্বতল মেল করিয়ার আজি বিশ্বপ্রিয়ার। গীতিস্বামী তর গরে আমি মিঙালেহে বয়ার আধার হাবি মিমৃত করিয়া বেলির গতহে পেয়ার। গকুল কৰা কুরাঙ থাইলে আমার লামে আইনে মিচাঙ-মানা আমি ত্রিভূবনগ ছেইক্নে...।□□

ইমা

ননীগোপাল সিংহ

গর্ভে থয়া লালন করলে দশমা দশদিন মরে পানার সালে ইমা পেইলে অপার হিন আনলে এরে পৃথিবীর মা ঔগৈ মর ইমা তি জগতর মা শ্রেষ্ঠ মর জিপুতর মা মি। বানা হাবি যেপেই আসে পহন চাকার সানে খৌরাং হাবি মিটারদের নাই যেগর মেইথম্ হানে ঐগৈ মর ইমা তি জগতর মা শ্রেষ্ঠ মর জিপুতর মা মি। হাবৌ-তিয়মর ফুল ফুটের যেগর উডহানাত ডর-ভয় নেয়র মাংটা হানৌ থাইলে কাদাবারাত উগৈ মর ইমা তি জগতর মা শ্রেষ্ঠ মর জিপুতর মা মি। জনম জনমে জরম অইংগা তর মায়ার উডে ডাহে পারিমতা ইমা' বুলে বুক্গ হাবি বুজে ঔগৈ মর ইমা তি জগতর মা শ্রেষ্ঠ মর জিপুতর মা মি 💵

য়ারৌ আহান

প্রতাপ সিংহ
কথা আহান হয়ত তি
হার নাপাসত—
ঠই মোর দুগ—
উতার আগ ফাটাগ
হবা ঠই উগ আসে মোর গৃহিনীর লগে
সৌওয়া কোনপেইত নিয়া গেসেগা
না মনেয়াও নুবারিয়া মনর বামাল
বিসারেয়াও নাপাসু —অইল বহুদিন।
ফাটা ঠই উগ মোর
হুদির কোণ আগত ব্রেয়া
থসু যতন করিয়া

তোরকা কাজে বুলিয়া;

নুৱা বছরও মোরকা আহান...
পারলে যদি বেলাসি পথ আগদে
আকখুরুম করে আহিসনে—
যতন কবিয়া থসু ফাটাঠই উগ
চেয়া যিস্গা নে কিমে অয়া আসে:

কলিজা নরেন্দ্র ঠাকুর

মোর হকানা কলিজা দিলু তোরে
তোর প্রেমর রসল ডাঙর ডিগল করিয়া তারে
বারো রুরাদিস মোর বুকে
হংকরিস সবুজ লপুকগ।
সোণালী অইতই আকদিন লপুকগ
উপেই বয়া রচেইস
সোণালী হপন
আগর দিনর।
তোর প্রেমর রসভরা পরশে
থম পম করিয়া জিংতা অইতই লপুকগ
মি বিলীন অয়া থানা মনাউরি
প্রেম বারো আশার অস্তবীন আফাশে।

কলির সেষ্ণ্যা

বিশ্বপ্রসাদ সিংহ

হমেইল কলির সেদ্ধ্যা, ঢাক ঢোল বারেয়া হবানেই খেলতাম হান চেয়া, তিরি সেদ্ধ্যার মা।

মিঙালে আধারে উটাপটি, দেহানি না দেহানি সাক্ পৃথিবীর উরে বহিল চেতকরে উরকহান মাঙকরেদিল।

কলির হাতাপে, মানুর মেলে
মৌ করেসে সংসারে
হবা হবা নেই নাদেহেসি না ছনেসি
মিকুপে আকসাটে।
ঝাপে-ঝাপে, থাংনা থাংনি, পরলে পরল
নাগ্নালে বরা অসে ধন্য কলি।

কলির কাকেই, চি য়ৌপা খেলতামে বাজ বিচার নেই, দিশাহারা। হাবিতা উলট পালট, ঔ নাও নেই উতা, ঘটের নিকা নিকা টেইপাঙে হৌপন পারা।

কলির হাতাপে, মাতামর ঔরে
তানো থেংনি তিলনির মেরাকে,
বারণ বুঝেসে, পরমপরা।
খানতাক বিসারতে মাঙইল যুগর মেলে
ডাক ডাক করেসে জুনাক হান,
মেঘর আধারে,
মামইল পূর্ণিমার রাতি।

আত্মসমালোচনা

थपीश जिश्ह

সাহিত্য সমাজ জীবনর মেণ্ডসেলহান উপেইত প্রতিফলিত অর আমি এক অনা নুৱারতাঙায় কারণ, আমি হাব্দি হারপেয়ার কিন্তু কিন্তাউ হারনাপেয়ার আমি হঞ্জাক অসি বার হজাক অয়াউ গুমজেসি আমি নিয়াম সরল মঙ্গল কামে গরল আমি নিয়াম সিঙ কানা নেই উগদর হিঙ আমি নিয়াম চতুর হতুমে উপেইত ইদুর আমি নিয়াম বুদ্ধিমান হকা কামে বেইমান জগৎ শ্রেষ্ট এ জাত এহান মি ডাঙর, তি ডাঙর বুলিয়া পরিয়া থাইলাঙ হকা কামে কারেউ বিসারেয়া নাপেইলাঙ হ হু করে পৃথিবীগ গেলগা একবিংশ শতিকাত ঔভা ঔভা, ইমা ইমা বুলিয়া

পরিয়া থাইলাঙ উনবিংশ শতিকাত।



গীতিস্বামী গিরকর জরমর পৃণ্যতিথিরে স্বাগত জানেয়ার—

বিষ্ণপ্রিয়া মণিপুরী সমাজর বেকার যুবক-যুবতী, ইমা-ইন্দল, বুজন, লেইরাপা, ছাত্র-ছাত্রী, হরু ব্যবসায়ী, আত্মসহায়ক গুল, ইশালপা-ভাকুলা, লেখিক উলা, লেখক মানুর পাংলাকর সালে যোগাযোগ থইক—

কার্তিকসেনা সিংহ রূপকার, বিষ্ণুপ্রিয়া মণিপুরী উন্নয়ন পর্ষদ বার প্রাক্তন বিধায়ক।

য়ব দিক, পাংলাক করিক, পালকরে দিক—
আন্তর্জাতিক বিষ্ণুপ্রিয়া মণিপুরী সাহিত্য বার সংস্কৃতি
উৎসব ২৮ বার ২৯ জানুরারী ২০১২ ইং
ফামহানঃ জিলা গ্রন্থাগার প্রেক্ষাগৃহ, গুৱাহাটী।
ঠৌরাঙ্রে—
বিষ্ণুপ্রিয়া মণিপুরী রাইটার্স্ ফোরাম, গুৱাহাটী।